



**TAXAS**



# 7 TAXAS

## Taxas de xefatura provincial de tráfico

### QUE SON?

Son cantidades que se deben aboar en Tráfico como contraprestación dos servizos e actividades e/ou trámites relacionado cos vehículos e/ou autorizacións para circular, entre outros. Pode consultarse información e importes na páxina oficial da Dirección Xeral de Tráfico: Catálogo de taxas: [https://sedeclave.dgt.gob.es/WEB\\_Tasas7/jsp/tasas/catalogo.jsp](https://sedeclave.dgt.gob.es/WEB_Tasas7/jsp/tasas/catalogo.jsp)

### SUPOSTOS PARA A BONIFICACIÓN DE IMPORTES DAS TAXAS:

Aquelas persoas que por razón das súas aptitudes psicofísicas estean obrigadas a solicitar a prórroga de vixencia dun permiso ou outra autorización administrativa para conducir da que sexan titulares, cunha frecuencia maior á que normalmente lles correspondería (nun prazo inferior ao establecido), terán dereito a unha bonificación nas taxas.

#### 1- Bonificación:

Do 80% da contía da taxa cando a prórroga se produza por períodos iguais ou inferiores a un ano, reducíndose a bonificación en 20 puntos porcentuais por cada ano adicional.

A taxa abonarase na súa totalidade a partir do período de vixencia superior a catro anos.

A bonificación é variable en función do tempo polo que se concede:

- Prórroga de vixencia de permiso ata 1 ano: 80%.
- Prórroga de vixencia de permiso ata 2 anos: 60%.
- Prórroga de vixencia de permiso ata 3 anos: 40%.
- Prórroga de vixencia de permiso ata 4 anos: 20%.

Unha vez calculado o importe reducido, aplicaráselle o redondeo de cantidades aprobado con carácter xeral para as taxas da Xefatura Central de Tráfico co fin de obter a contía a esixir.

#### 2- Exencións:

Están exentas do seu pagamento ás persoas maiores de 70 anos que soliciten prórroga de vixencia do permiso ou outra autorización para conducir da que sexan titulares

Ampliar información:

<https://www.dgt.es/nuestros-servicios/permisos-de-conducir/obtener-un-nuevo-permiso-de-conducir/permiso-con-discapacidad/>

#### NORMATIVA DE REFERENCIA:

Lei 16/1979, de 2 de outubro, sobre taxas da Xefatura Central de Tráfico.

## Taxas por participación en probas para a obtención de certificados de profesionalidade

### QUE SON?

Son cantidades que se deben aboar para ter dereito a participar no procedemento de recoñecemento de competencias profesionais e probas para a obtención do certificado de profesionalidade.

### SUPOSTOS DE EXCEPCIÓN POR DISCAPACIDADE:

Estarán exentas do pagamento das taxas de asesoramento e avaliación as persoas que, no momento de iniciarse as sesións de asesoramento ou avaliación, figuren como desempregadas, así como aquelas persoas con discapacidade igual ou superior ao 33 %.

Adaptación de medios e recursos: se a persoa con discapacidade aspirante ás probas precisa dalgún tipo de adaptación de medios e recursos para acceder e participar, terá que solicitálo á hora de inscribirse no procedemento convocado.

### NORMATIVA DE REFERENCIA:

Lei 6/2003, de 9 de decembro, de taxas, prezos e exencións reguladoras da Comunidade Autónoma de Galicia.

Real Decreto 1224/2009, do 17 de xullo, de recoñecemento das competencias profesionais adquiridas por experiencia laboral.

**ORGANISMO DE REFERENCIA:** Dirección Xeral de Formación e Colocación (TR305A) Consellería de Emprego e Igualdade

## **Taxas de acceso ao emprego público**

### **QUE SON?**

Son cantidades que se deben aboar por participar no exame das probas selectivas de acceso ou promoción a persoal funcionario ou categorías de persoal laboral.

Consultar en cada administración a convocatoria correspondente de cara á concretar a exención / bonificación aplicable (xa que prevé distintos requisitos se é de ámbito estatal, local, autonómico ou europeo.

### **SUPOSTO DE EXENCIÓN PAGAMENTO :**

As persoas con discapacidade con grao igual e/ou superior ao 33% .

- Convocatorias para a selección de persoa en Galicia
- Convocatorias da Administración pública estatal e probas de aptitude para o exercizo de profesións reguladas na UE
- Na maioría de convocatorias do ámbito local, tamén aplican dita exención

### **CONSULTAR OUTROS SUPOSTOS DE EXCEPCIÓN/BONIFICACIÓN:**

- Persoas membro familias numerosas categoría xeral /especial
- Persoas que figuran como demandantes de emprego (en función do ámbito esixen maior tempo como demandante e nivel de ingresos)
- Vítimas de terrorismo.

## **Taxa para inscrición probas homologadas acreditación nivel de competencia en lingua galega e acreditación nivel correspondente**

### **AS PERSOAS CON DISCAPACIDADE ESTÁN EXENTAS DE PAGAMENTO:**

Na inscrición das probas homologadas para a acreditación do nivel de competencia en lingua galega e a acreditación do nivel correspondente, logo de xustificación documental mediante o certificado / tarxeta do grao de discapacidade.

## **Taxas e prezos públicos Universidade**

### **EXENCIÓN POR DISCAPACIDADE:**

As persoas con discapacidade terán dereito á exención total de taxas e prezos públicos nos estudos conducentes á obtención dun título universitario.

A condición de persoa con discapacidade acreditarase documentalmente e deberá presentarse no prazo de matrícula fixado pola universidade para que teña eficacia.

Posto que o procedemento para valorar a discapacidade require dun prazo e os efectos terán carácter retroactivo, nas universidades galegas permiten que, se no momento de formalizar a súa matrícula, ten solicitada no organismo competente a valoración do grao de discapacidade, con anterioridade

ao inicio do prazo de matriculación dos estudos a que desexa acceder, deberá presentar xustificación desta circunstancia e de que comunicou ao citado organismo o carácter de urxencia conforme a normativa correspondente.

Se non obtén o citado recoñecemento finalmente, terá que aboar o prezo da matrícula. Con todo, a Universidade poderá requirir o abono de xeito cauteloso se non queda acreditada a comunicación de urxencia e/ou solicitude ao EVO.

### **NORMATIVA DE REFERENCIA:**

Disposición adicional vixésimo cuarta da Lei orgánica 6/2001, do 21 de decembro, de universidades

DECRETO 103/2021, do 1 de xullo, polo que se fixan os prezos públicos pola prestación de servizos académicos e administrativos nas universidades do Sistema universitario de Galicia para o curso académico 2021/22.

## **Outras taxas**

Os concellos ás veces regulan mediante ordenanza algún tipo de exención e/ou bonificación en distintas taxas nas que son beneficiarias as persoas con discapacidade.

Será preciso consultar os correspondentes concellos as bonificacións e/ou exencións que establezan.

### **NORMATIVA DE REFERENCIA:**

Lei 6/2003, de 9 de decembro de taxas, prezos e exaccións de Galicia.